


SECTION

8

EDWƆƆƆ
(LITILEKYA)



NZEMA EDWEKE

Anloanudweke nee Ngelēhēdweke

MUKENYE

Ngyenu ehye wowo adwenle fale Nzema anloanudweke nee ngelēhēdweke nwo. Yebanwu edeneyele wo anloanudweke abo. Yebanwu nvasoe moo wo edeneyele zo yee ke besi beye edene la. Adwenlewowe ne eza ka edweke fale nvasoe moo wo nzelele zo yee deemoti beye nzelelela anwo. Yebamaa wookponde deemoti edeneyele nwo hyia wo wo maandee ne anu la. Ngilenu ehye anwo hyia maa Gana anee ne ezukoale yee eza obaboa amaa wwanwu ngitanwolile moo la anee ne nee ezukoaledee ngakyile moo fale ezonlenle nwo la. Ngyenu ko ye ala kema e nye kelie wo maandee ne nee anee gyene bie mo maandee nwo. Eza oda mraale ezunle moo wo anee ne anu la ali. Obabuke e nye wo kezi mraale ezunle ko zo wo wo maandee ne anu la. Ebanleenlea egengadee bie mo moo fale mraale ezunle nwo la. Nwole adwenlewowe ne bagyinla gyima moo mraale ezunle di la azo.. Bieko, ngyenu ehye eza baha edweke avale adawu nwo. Wo kilehilevole ne baboa amaa beawowo adwenle wo nuninyene moo wo adawu nu moo le ke, numenli, bodane, ngyehyelee, nzileka, adawubovo nee moo eha la anwo.

Ngyenu ehye kaho awielee la, owo ke ekola:

- Eneenlea na ekile edeneyele ngyehyelee ne (sunsum ngakyile ne mo evelele, nrelalee mumua ne, nee adwulalee ne)
- Ewowa adwenle wo mraale ezunle nwo (gyima nee nvasoe)
- Ewowa adwenle wo nuninyene moo wo adawu nu la anwo (ndonwo a le numenli, bodane, ngyehyelee, nzileka, adawubovo nee moo eha la).
- Eye adawu egengadee nvefenu (tidweke, bodane, edwemgboke, aneenu ninyene nee moo eha la).

Adwenle Titili

- Edeneyele le tete nzelele.
- Edeneyele le ngyehyelee nsa, beme a le: Sunsum ngakyile ne mo evelere, nrelalee mumua nee adwulalee.
- Bodane ne a le adwenle titili ne mo wo adawu ne anu la.
- Ngyehyelee ne kile ke adawu ne anu nzidweke ne sisi la.
- Nzileka ne ka edweke fale eleka mo adawu ne zile la yee meke hole mo adawu ne hole zole la.
- Adawubovo ne kile ke kelevo ne zile vale yevo ne helele adawu ne la.
- Ezunle kile sonla enyile nu maandee ne mo ko; okile ke yeminli debie, yefa yesele debie, yefa yekile nganeedelee mo yewo nu la.

EDENEYELE

Adwenlewowole ne bagyinla ngyehyelee nsa ne mo edeneyele le la azo. Obanlea Sunsum ngakyile ne mo evelere, nrelalee mumua ne nee ye adwulalee ne.

Duzu a le Edeneyele?

Ole adenle mo yedua zo yegua nza anzee nzule yebwo azu yemaa sunsum bie a. Ole nzelele adenle mo menli mo dua awozonle zo sonle Nyamenle la fa di gyima a. Ole nyeele mo yedua zo yefa nza, nzule anzee nwanee yegua aze yefele sunsum bie mo mo adwenlekpoke mo wo o nzi a le ke yefa ye ngyianledee yeadoo be nyunlu la. (Ayim-Aboagye, 1993: 165). Wo eleka bie mo, ninyene le ke awule a befa beye edene a. Edeneyele nyeele di gyima bedevinli wo Abibile maanle nu. Yedua edeneyele zo yefele mowuamra mo yedie yedi ke ye nee be le ngitanwolile na beboka ye nwo wo maanle ayia nee gyimalile ngakyile bie mo abo la. Wo Gana, mbusua mgbanyima nee maanle mgbanyima ye edene wo maanle ayia ayia mo le ke dumadonle, agyale, evoyia, belemgbunli eziele nee mo eha la abo.

Gyima 8.1

Nea edeneyele mɔɔ wɔ maandee ngakyile nu la anwo vidio ne. Kɛle mɔɔ enwu ye wɔ edeneyele ngyehyelee ne anwo la na fa ndelebebo mɔɔ enyia ye wɔ nu la toto aze eke edee ne anwo.

Ga Edeneyele vidio : <https://youtu.be/X9wBlgwzHn4>

Akane Edeneyele vidio : <https://youtu.be/ZNJ6Fw2-flk>



Edeneyele Ngyehyelee ne

Edeneyele ngyehyelee ne a le Sunsum ngakyile ne mɔ evɛlele, nrelalee mumua ne nee adwulalee.

Sunsum ngakyile ne mɔ evɛlele

Ɛhye le meke mɔɔ yɛkakyɛ sunsum ne mɔ na yɛto ɛsale yɛfele be la. Edeneyevo ne di moa fele Ɛdenkɛma Nyamenle, Azɛle Yaba, awozonle na yeadwula ye wɔ mɔwuamra anwo zo. Sunsum ngakyile ne mɔ evɛlele wɔ edeneyele ɛgengale ne anu kile ke yɛlebo Nyamenle Bedevinli ne anzɛe sunsum ne mɔ anlenke nu amaa beala be nwo zo. Edeneyele mɔɔ kile sunsum ngakyile ne mɔ evɛlele la anwo ndonwo a wɔ aze eke la.

O! Nana Nyamenle Koame, Wɔmɔ enlo nza noko yɛkile wɔ nza!

Amaa wɔaye mumunli mɔɔ la ɔ nye la wɔamaa ye.

Azɛle Yaba wɔ nza ene!

Nana Amanzule nee awozonle mɔɔ ɛha mɔɔ ɛbo ye nwo mgbɔlɔka.

Be nza ene!

Kandaneando Monlewie nee mɔwuamra mɔɔ lale abusua ɛlonwɔne ye anloa la,

Be nza ene!

Berava be nza benlo na behwe bebikye ye.

Nrelalee mumua ne

Nrelalee mumua ne mɔɔ wɔ ɛɛneyele ne anu la a kile deemoti bɛye ɛdene ne la. Ehye kola ye debie ebizale anzee moyele. Wɔ eke, ɛɛneyevo ne to deemoti ɔvelele sunsum ne mɔ la gua na ɔsele be ke beraboka gyimalile ne anwo ɔvi ye mɔlebebo kɔdwu ye awielee. Meka ehye a ɛɛneyevo ne biza anwobanebole fi sunsum ne mɔ eke a.

Adwulalee

Wɔ adwulalee ne anu, ɛɛneyevo ne ye sunsum ne mɔ mo na ɔsele be ke be nee menli mɔɔ le gyimalile ne anwo adwenle etane la eli ye enwonle zo. ɛɛneyevo ne eza sele nyilale maa bedabe mɔɔ bele gyimalile ne anwo adwenle kpale la. Saa nyelee bie le ke munzule ekpale dwu zo a, bebɔ azu bemaa sunsum ne mɔ. Nvoninli ne mɔɔ wɔ aze eke la kile ɛɛneyele mɔɔ kɔzo wɔ menli ekpunli bie mɔ maandee nu la.



Nv. 8.1: ɛɛneyele sunsum ne mɔ ɛvelele



Nv. 8.2: ɛɛneyele mumua ne.

Ninyene mɔɔ befɔ bɛye ɛdene la

Menli ekpunli biala le be ninyene ngakyile mɔɔ befɔ bɛye ɛdene a. Ehye mɔ bie a le: awa, nzule, nwanye, awule, nza mɔɔ anu ye se, tɔmele nee kanrele.



Nv 8.3: Ninyene mɔɔ befɔ bɛye ɛdene la. .

Gyima 8.2

Duma boni a befa befele awie maa ye edene wa wa suazo la. Ka wa nyelebenloa ne kile e gonwo maa vi sua gyene zo la.

Nvasoe maa wa edeneyele zo la

Edeneyele maa le ke ezonlenle gyene bie ma nzelele la le nvasoe maa menli maa ye la wa ndenle ehye ma azo:

- i. Ofa enilile omaa Edenkema Nyamenle.
- ii. Ofa ebule omaa awozonle nee mowuamra.
- iii. Oka tievoma ne obo nu na okile eleka maa be bo vi la.
- iv. Ole yekile maa da awie maa ze tende la ali a.
- v. Ole yekile maa beye beda tetedweke nee maandee ali a.
- vi. Yefa yekile ebule yemaa busuanli anzee awie maa keddu ye nohale adenle la.
- vii. Oboa omaa yesukoa edwekemgbake fofole.
- viii. Omaa menli anloa te wa anee ne ehanle nu.

Gyima 8.3

1. Fa e ti anwo edwekemgbake kilehile nvasoe maa wa edeneyele zo la na to wa nyelebenloa ne gua kile sukoavoma maa eha la.
2. Kile ayia anzee nyelee nwio maa beye a edeneyele finde o bo wa wa suazo la. Da wa nyelebenloa ne ali kile e gonwo ma.

Gyima 8.4

1. Nea ke besi beye edene la anwo vidio wa YouTube:
<https://www.youtube.com/watch?v=X9wBlgwzHn4&t=19s>
2. Kilehile ninyene maa edeneyevo ne eva eziezie o nwo la anu.
3. Bobo ninyene nsa maa bevale beyele edene ne la.

**Gyima 8.5**

Begua be nwo ekpunli ekpunli maa ko biala anu menli keye 4-5 la na beye edeneyele nyelee ne yekile. Be nuhua ko eye edene ne na maa eha la eye ye

moale. Behele nyelee maa bebala ye ali la kolaa na beaye edene mumua ne. Nwu ye ke sunsum ngakyile ne ma evelere, nrelalee mumua ne nee adwulalee ne ma ela ali wienyi. Beziezie be nwo ke bebaye edene ne beahile sukoavoma maa eha la.

EXTENDED READING

Dzata, E. (2022). Theological and Philosophical Significance of Libation (Traditional Prayer) Among Indigenous Mafi-Ewe People of Ghana. *Indiana Journal of Humanities and Social Sciences*, 3(9), 57-63. [https://indianapublications.com/articles/IJHSS_3\(9\)_57-63_63355503c7fa44.50663845.pdf](https://indianapublications.com/articles/IJHSS_3(9)_57-63_63355503c7fa44.50663845.pdf)

ΕΖΥΝΛΕ (ΑΥΟΛΕΥΕΛΕ/ΑΜΟΔΙΝΛΙΒΟΛΕ)

Ndwenlenwo kpuyia:

Nganee boni a ete a saa ε nwo sonla bie fi nu a?

Duzu a le ezunle?

Εhye le nyeele maa mraale ye fa kile alobole nee nyane maa beledi wo meke maa awie kevi nu anzee beye ye ezene la. Eza yekola yekile nu ke, ole alobole edwene maa beto ye betee befa bekile nyanelile la. Ezunle maa yenwu ye ke ole edwene la vea edwekendwendole abo. Eza bekola befa ezunle bekanvo awie maa kehakyi o gyake anzi la. Befele ehye funli ngavole edwene. Eba Nzema a ezunle gua ye ngakyile nwio; Beme a le Awoleyele nee Amodinlibole

Gyima maa edneyele di la

Wo Abibilema maandee nu, ezunle di gyima doonwo. Bie mo a le ehye:

1. Befa besu awie maa ewu la.
2. Befa be nee ahenle ne maa ewu la di nrelalee.
3. Befa beto nrelalee maa anwo hyia la.
4. Yefa yesele debie yemaa ahenle ne maa ewu la.
5. Yefa yekile gyinlabele maa yewo nu la.

Nvasoe maa wo ezunle zo la

Ezunle zo nvasoe bie mo a le;

1. Yefa yekile nganvole nee ebule yemaa ahenle maa ewu la.
2. Okile ngitanwo maa la tete nee adwuleso , menli maa de aze nee mowuamra avinli.
3. Yefa yekile ke yeminli debie.
4. Yefa yekile ke ye nee mowuamra emkpakye nwonda wo abusua ne anu.
5. Yefa yekile ahenle maa ewu la ebolo adenle doonwo ne.



Nv. 8.4: Performing a dirge

Gyima 8.6

Ɛ nee ɛ ɔnwo ɛwowa adwenle wɔ ke ɛdeneyeno ne mɔ wɔ nvoninli 8.4 ne anu la ɛzi ɛziezie ɔ nwo la.

Gyima 8.7

Biza wɔ kilehilevole ne maa ɔmaa wɔ ɛzunle mɔ behɛle la ndonwo. Ɛ nee ɛ ɔnwo ɛnleenlea ɛgengadeɛ ne mɔ kilehilevole ne ɛva ɛmaa be la anu na behile be adwenle wɔ nwo.

Gyima 8.8

Nea vidio ne mɔ wɔ aze eke la na da mɔ ɛbanwu ye la ali kile sukoavoma mɔ eha la.

Vidio mɔ kile awie mɔ ɛlɛto funli ngavole edwene la:

https://www.youtube.com/watch?v=M3_r-09Mf4E

**Gyima 8.9**

Ɛ nee ɛ ɔnwo mɔ nwio anzɛɛ nsa mɔ wɔ ekpunli ko anu la ɛwowa adwenle ehile ke nyelee ne bazi aboa wɔ anzɛɛ agyegye wɔ wɔ meke mɔ ɛ nwo sonla bie kevi nu la.

Gyima 8.10

Wowɔ adwenle wɔ ke beɛi beye ɛdene wɔ wɔ maanzinli ne anu la anwo. Da wɔ nyelebenloa ne ali kile ɛ ɔnwo mɔ.

EXTENDED READING

Click on the link to read more on dirges:

<https://poemanalysis.com/poetic-form/dirge/>.



NUNINYENE MƆƆ WƆ ADAWU NU LA

Adawu

Adawu le ngelehewewe ne mo anu ko mo anwo envea a. Okile ngelehele biala mo di mela mo wo edendele anze aneehanle zo la. Odi aneemela nee anee ehelele nwo ngyehyelele foonwo ne azo na ole ke edendele la. Onva edwendo subane anze mita ngyehyelele onli gyima. Odua adawubole adenle zo oda adwenlekpoke nee adwenlehilele bie ali okile kengavo ne.

Gyima 8.11

Dua ndelebebo mo ele ye la azo kilehile adawu egengadee anu na fa wo nyelebenloa ne toto e gonwo mo edee nwo.

Nuninyene mo wo adawu nu la

1. **Numenli:** Ehye le sonla, nane anze de bie mo beva bezie eke mo di gyima wo adawu ne anu la. Numenli ne kola ye menli anze nane nane. Adawu ne gyi koyele nee ngitanwolile mo wo numenli ngakyile ne mo avinli la azo. Numenli anwo hyia titili wo adawu foonwo ehelele nu. Numenli titili ne mo a adawu ne ngyehyelele ne nee nuhua nzidweke ne gyi be nwo zo kpale a. Numenli ndonwo ne mo bie a le nwohoa menle ne mo le adawu ne anu nusonla titili ne la, kpovole ne mo ko tia nwohoa menle ne na ofa ngyegyele doonwo obo adawu ne anu la; engakyi-subane nusonla ne mo ongakyi ye adwenle wo adawu ne anu nee nusonla ne mo dua adawu ne anu nzidweke ne azo kakyhakyi ye subane la.
2. **Bodane:** Ehye a le adwenle titili ne anze nrelalee ne mo adawu ne gyi zo la mo le ke abotane, tieye anze anyeliele. Adawu kola nyia bodane ngyikyi mo boa maa beka edweke doonwo befale adwenle titili ne anwo a.
3. **Nzileka:** Ehye kile adawu ne anzi. Oka edweke ofale eleka mo adawu ne zile, meke mo adawu ne zile nee ke ozile la (ayianu, tetedweke, maandee anze maanzinli). Nzileka ne kile meke, eleka, maanlenu ehakyile, sonla tenlabele nu nee mo eha mo yegyinla zo yebo adawu ne la.
4. **Ngyehyele:** Ehye kile ke adawu ne anu nzidweke ne mo si sisi la. Okileke besi beda adwenle nee nyele ne mo wo adawu ne anu la ali la. Ye gyimalile ne gyinla adawu ne anu ngyegyele, maanzonle ne, nee ke adawu ne anu bazi

aye se la azo. Okola oye nɔhale mɔɔ ɔle fɔɔnwo anzee basabasaye mɔɔ kile mbeleralile la.

5. **Adawubɔvo:** Ehye kile ke kelevo ne si nwu yevo ne mɔɔ wɔ adawu ne anu nee adawu mumua ne la. Adawubɔvo ne kile maa yenwu ke bezi behale adawu ne la. Okola oye mese-adawubɔvo (kelevo ne boka adawu ne) anzee bese-adawubɔvo (bekale adawu ne befale numenli ne anwo tela ke bedabe mumua ne bebahale beavale be nwo la). Tendevole dumagya ne mɔ a le me, ye yee nwodwekehanle dumagya ne mɔ a le ye, ɔ, be.
6. **Gyinlabelɛ:** Ehye kile nganeede mɔɔ kelevo ne kponde ke kengavole ne nyia ye la. Oke ke kelevo ne si fa adwenvoninli, nzidweke, ninyene, adwenle nee edweke bie mɔ okenyia kengavole ne nganeede la. Okola oye alɔbɔle, konimilile, anyeliele, anyelazo, nyanelile nee mɔɔ eha la.

Gyima 8.12

Ɛ nee Ɛ gɔnwo Ɛwowa adwenle na bɛmaa ngilenu ekyi wɔ nuninyene mɔɔ findevinde adawu egengadee nu la anu nna anwo. Beva mɔɔ benwu ye la bedo sukoavoma mɔɔ eha la amuala anyunlu.

Gyima 8.13

Biza wɔ kilehilevole ne maa ɔmaa wɔ adawu egengadee. Ɛ nee Ɛ gɔnwo Ɛkenga egengadee ne na benleenlea nu behile ke bezi beva nuninyene ne mɔ beli gyima la. Fa daselɛlile sua wɔ adwenlehilele ne. Ɛ nee Ɛ gɔnwo sukoavoma mɔɔ eha la Ɛwowa mɔɔ enwunle ye la anwo adwenle.

EXTENDED READING

Agyekum, K. (2013). *Introduction to literature (3rd ed.)*. Adwinsa Publication.

ADAWU NVEFENUYELÉ

Gyima 8.14

Woli moa wozukoa debie wovale nuninyene mɔɔ findevinde adawu egengadee nu la anwo. Nuhua nye yee ekakyea? ɔ muala le nsia. Duzu ati a nuninyene ne mɔ ko biala anwo hyia a?

Adawu Egengadee Nvefenuyele

Nvefenuyele a le ke, ekenga adawu bie, wɔade ɔ bo, na wɔahile wɔ adwenle fɔɔnwo wɔ bodane ne, ye edwekpomgba ne, ke kelevo ne ezi eva anee nee aneenu ninyene bie mɔ eli gyima la anwo. Saa ekpɔnde ke eye nvefenu wɔ adawu egengadee nu a dua ehye mɔ azo:

NDENLE	KESI ɔDE LA	MOALE NDENLE
1	Nuniyene/ edwekpunli (Duzu)	Duzu a adawu ne fale nwo a ? Duzu a le adwenle titili ne mɔ a ? Pe ye sikale
2	Bodane/ngyinlazo (Deemoti)	Duzu a le kelevo ne bodane ne a ?
3	Adawubɔvo ne	Nwane a eletende a ? Nwane a elekenga a ? Kelevo ne a ete ɔ ne la anzee numenli ne mɔ ko ɔ ?
4	Nzileka(Nienwu yee kenlenzu)	Duzu a wɔ nu mɔɔ ka edweke fale eleka nee meke mɔɔ behelɛle adawu ne la anwo a ? Kpɔnde ndonwo kpɔkyee bie sua ye Duzu ngitanwo a la nzileka ne nee bodane ne avinli a ?

NDENLE	KESI ɔDE LA	MOALE NDENLE
5	Adwenwole/ Adwekpomgba (kesi)	Nea kelevo ne asanloa nee ye subane ne. Duzu edwekemgbake a kelevo ne fa di gyima a ? Anee ne di munli anzee onli munli kpale? Nea ke kelevo ne si fa ehelele sekelenee nee edendemunli ngyehyele di gyima la Okile menli nwio adwelielile ɔ ? Oda nzonle ɔ ? Duzu adwenvoninli a beva beli gyima a ? Ke adawu ne subane anzee gyinlabelle ne de e? Ke bezi benwo ye e ? Ke subane si fale fale bodane ne anzee ngyinlazo ne anwo e?
6	Aneenu ninyene	Kilehile aneenu ninyene maa wo adawu egengadee ne anu maa le ke ereledende, edwekenzoho, sonalayele, sekeleneedwehanle, wudumolozo, nrelebedende nee maa eha la.

Gyima 8.15

1. Biza wo kilehilevole ne maa omaa wo adawu egengadee. E nee e gonwo begenga adawu egengadee ne na behile ehye ma.
 - a. numenli
 - b. nzileka
 - c. bodane
 - d. nuninyene/edwekpunli
2. Fa wo nzuzule ne to gua maa sukoavoma ne amuala ewowo adwenle wo nwo.

Gyima 8.16

Wɔ be ekpunli ne mɔ anu, begenga adawu buluku (Ɔwɔ ke ɔye adawu buluku mɔɔ belie bedo nu ke ɔboka mɔɔ besukoa la anwo la). Bepe adawu ne mɔɔ begenga la sikale na bewowɔ adwenle wɔ aneenu ninyene keye nsa mɔɔ benwu ye nu la anwo. Akee behile ngitanwo mɔɔ be nee gyinlabele anzee bodane ne le la.

EXTENDED READING

For further reading on literary devices, click the links below.

<https://youtu.be/JaYPoeMJECg>.

[Understanding Prose in Literature: A Comprehensive Guide \(daisie.com\)](https://daisie.com/understanding-prose-in-literature)

[Prose - Examples and Definition of Prose as a Literary Device \(literarydevices.net\)](https://literarydevices.net/prose-examples-and-definition)

MOBONU KPUYIA

8.1: EDENEYELE

1. Duzu a le edeneyele?
2. Duzu ngyinlazo ti a beye edene a befelevele sunsum ne mo a?
3. Kile debie mo 'nrelalee mumua ne' mo wo edeneyele nu la kile la.
4. Kilehile edeneyele adwulalee anu ?
5. Bobo ninyene mo befa beye edene la.?
6. Bobo menli nsa mo bahola aye edene wo wo maanzinli ne anu la.
7. Kile debie ko kye mo oti bedua edeneyele zo bewo amonle la.

8.2: EZUNLE

1. Duzu a le ezunle? Fa e ti anwo edwekemgboke kile nu.
2. Nwane a ye awole a?
3. Kele gyima nsa mo ezunle di la.
4. Meke boni a beye awole a ?
5. Kele nvasoe nnu mo wo edeneyele zo la. Ye nuhua nsa na fa e ti anwo edwekemgboke kilehile nu.

8.2: NUNINYENE MOO WO ADAWU NU LA

1. Nuninyene mo wo adawu nu la a le boni mo?
2. Kile numenli titili ngakyile mo wo adawu nu la.
3. Duzu a le bodane mo wo adawu nu la ?
4. Kilehile bodane bie mo kola findevinde adawu nu la.
5. Kile ngakyile mo wo nusonla mo kakyihakyi nee mo engakyi ele la avinli.
6. Saa yeka 'adawubovo ne' a, enee duzu edweke a yekponde yeaha wo adawu nwo a?

8.4: ADAWU EGENGADDEE NVEFENUYELE

1. Kile ninyene mo owo ke beneenlea wo meke mo beleye nvefenu wo adawu nu la.

2. Fa ngilenu ekyi maa ninyene ne mɔɔ wɔhile la anu nsa.
3. Fa ε ti anwo edwekemgbɔke kilehile aneenu ninyene εhye mɔ anu.
 - a. kɔnsɔnante alera-nzizo
 - b. εrɛlɛdende
 - c. nrɛlɛbɛdende
4. Kenga adawu egengadeε ne mɔɔ wɔ aze εke la na yeye nwolε edwekemiza ne anloa.

BEDI NE NEE ABONKYE RALE NE

Enee Abonkye rale ekyi bie wɔ εke mɔɔ kemɔ ye mene ne mɔ elenyi ndende la ati, ɔmaanle ɔnwunle ɔ nwo ke yeye Abonkye nyinli mɔɔ eye koatee na ɔkola ɔ nwo zo nea a. εhye ati kenle ko nɔsolε mɔɔ enee mbonkye ne mɔ vi adidi ba sua nu na ɔ nli velele ye la, yeadene ye zo na ɔhole zo ke ɔdi ndile dudokaa ne. Meke guale nu ekyii na ɔkamaa ɔ ti zo la enee mbonkye ne mɔ kɔsɔɔti εho.

ɔhale ɔ ngome kye wɔ εke. Enee senzene ne εlekado. Elawolε adendenle ne mɔ radɔle azelε ne azo. Anwoma mɔɔ anu le eyɛleyelε ekyi la rabɔle vale bε nu na ɔyele alera mɔɔ anu ye ezulolε la wɔ ndile ne anu. Abonkye rale ne anwo wozole ye kemɔ Bedi ne anwo edweke rale ye adwenle nu la ati. Akee ɔbɔle ɔ bo ke ɔye tolatotola wɔ adidi eleka ne na ɔzunle ɔvelele ɔ nli. Meke mɔɔ ɔka ekyii ɔdwu mbaka mbaka ne anu la, enee Bedi ne anyunlu ene!

Abonkye rale ne adwenle yele ye ke anyelazo ekyi wɔ εke ne maa ye.

“Mebodo wɔ, Ym. Bedi,” ɔvale anwowozolε ɔhanle εhye, “Meze ke εbahye me wɔali. Na emomu, mɔɔ li moa, meselε wɔ di moa bɔ edwene maa me na mekulo ke mesi agole na medie me nye meke dodo biala mɔɔ mekehola la.”

Bedi ne anye liele adwenle ne mɔɔ ɔhilele ke ɔhyia edwene ekyi kolaa na yeahye ye yeali la anwo. Yemɔti ɔbɔle ɔ bo ke ɔbɔ anyeliele edwene mɔɔ ye fε. Ndende zo ala, Abonkye rale ne vale anyeliele wulule arelevilenu.

Amuanrεε enee mbonkye ne mɔ lua ye nyaanyaa elεkɔ sua nu. Kemɔ maanlenu yelee dii la ati, Bedi ne edwene ne dwule moa. Ahwea ne mɔɔ sinza mbonkye ne mɔ la yelee bε nzo gyelεbεenyε. Bεdele edwene ne mɔɔ Bedi ne bɔ kolaa na yeali ales la, ndende ne ala, benriandile ke besia beahɔ bε adidi eleka ne. Bedi ne edwene ne rale awieleε arelevilenu, mɔɔ ɔnriandi wɔ meke mɔɔ Ahwea ne mɔ li ɔ nzi la, ɔvelele ɔ nwo koasea

kemɔ yeva edwene yelielie Abɔnkye rale ne anye tela ke anɛɛ ɔkehɛ ye ɔkeli la.

Mmamaa debie biala kakyi wɔ adwenle wɔ kpɔke mɔɔ ekebo la anwo.

EDWEKEMIZA

- a.** Kilehile numenli nsa mɔɔ wɔ adawu egengadeɛ ne anu la.
- b.** Kile adawu ne nzileka ne.
- c.** Bodane mɔɔ wɔ adawu egengadeɛ ne anu la a le boni?

MOBONU KPUYIA NE MO NYELEBENLOA

8.1: EDENEYELE

1. Edeneyele le menli mɔɔ dua awozonle zo sonle Nyamenle la nzɛɛɛ.
2. Sunsum ngakyile ne mɔ ɛvɛɛɛ ne mɔɔ wɔ edeneyele nu la kile mɔwumra nee awozonle ne mɔ anlekɛ nu ɛbɔɛ mɔɔ kile kɛ yeto bɛ nrɛlaleɛ anzɛɛ yɛka edwekɛ yɛahile bɛ la.
3. Nrɛlaleɛ mumua ne mɔɔ wɔ edeneyele ne anu la kile deɛmɔti bɛye ɛdɛne ne la. Ɛhye kola yɛ modole anzɛɛ moyɛɛ.
4. Adwulaleɛ ne mɔɔ wɔ edeneyele nu la kile edeneyele ne awieɛ mɔɔ bɛdua zo bɛye mɔwumra ne mɔ anzɛɛ bɛbɔ ɛwɔkɛ na bɛkile ninyene mɔɔ bɛbava bɛamaa mɔwumra nee awozonle ne mɔ wɔ mekɛ mɔɔ bɛkenyia bɛ ngyianlɛ ne anloa sɔbeɛ la.
5. Ninyene mɔɔ bɛfa bɛye ɛdɛne la bahola aye nzule, nza mɔɔ anu yɛ se, aɛɛ, nee anwea.
6. Menli mɔɔ bahola aye ɛdɛne la a le abusua kpinyinli, awie mɔɔ di sunsum nu gyima anzɛɛ maanle kpinyinli.
7. Mekɛ mɔɔ awie kɛvea ɔ nwo kɛli ɛtane wɔ sua ne azo la.

8.2: EZUNLE

1. Bɛye awolɛ wɔ ɛzɛne mekɛ.
2. Ahenle ne mɔɔ kɛwu la anwo sonla anzɛɛ awie mɔɔ ɛva ɛye yɛ gyima kɛ ɔsu ɔdie nwolɛ ahatualɛ la.
 - Bɛfa besu awie mɔɔ ɛwu la.
 - Bɛfa bɛ nee ahenle ne mɔɔ ɛwu la di nrɛlaleɛ.
 - Bɛfa bɛto nrɛlaleɛ mɔɔ anwo hyia la.
 - Yɛfa yɛkile gyinlabeɛ mɔɔ yɛwɔ nu la.
3. Mekɛ mɔɔ awie kɛwu la anzɛɛ bɛɛyɛ ɛzɛne ne a nee mɔɔ ɛha la.
 - Yɛfa yɛkile ngavolɛ nee ɛbule yɛmaa ahenle mɔɔ ɛwu la.
 - Ɔkile ngitanwo mɔɔ la tete nee adwuleso, menli mɔɔ de aze nee mɔwumra avinli.
 - Yɛfa yɛkile kɛ yɛminli debie.

- Yefa yekile ke ye nee mowuamra emkpakye nwonda wo abusua ne anu.
- Yefa yekile ahenle mo ewu la ebolo adenle foonwo ne.

8.3: NUNINYENE MOO WO ADAWU NU LA

1. Nuninyene mo findevinde adawu nu la a le nusonla, nzileka, ngyehyeele, bodane yee adawubovo.
2. Nusonla ngakyile mo wo adawu nu la a le nusonla titili yee nusonla ngyiky.
3. Bodane ne mo wo adawu nu la a le adwenlekpoke ne mo begynnla zo bekele adawu ne la.
4. Bodane bie mo mo ta finde adawu nu la a le mbada nu sukoanwu, agonwolevale, nyeyenu, nee angomedi.
5. Nusonla mo kakyihakyi o nwo la a le nusonla ne mo ye subanehilele engyinla eleka ko na okakyihakyi ye subane wo meke mo adawu ne eleko zo la yee nusonla mo engakyi la kile mo ompazi, ongo o nyunlu anzee ongakyi ye subane wo adawu ne anu la.
6. Adawubovo ne kile ahenle mo yete o ne wo adawu ne anu la.

8.4: ADAWU NVEFENUYELE

Ehye mo a le nyelebenloa mo bezuzu bema mobonu kpuyia ne mo la.

1. Saa yeye adawu nvefenu a ninyene mo owo ke yefa ye nye yeto la a le nuninyene, adawubovo, nzileka, nee adwenwole/adwekpomgba
2. Ninyene nsa ne mo owo ke yefa ye nye yeto la a wo aze eke la.
 - Nuninyene/adwekpunli ne ka edweke fale adawu ne nee adwenle titili mo adawu ne da ye ali la anwo. Eza ope adawu egengadee ne sikale.
 - Bodane ne kile kelevo ne adwenlekpoke ne.
 - Adawubovo ne kile ahenle ne mo beva o ne behela adawu ne anzee ete o ne wo adawu ne anu la.
 - Nzileka ne kile eleka anzee meke mo behela adawu ne la.
 - Adwenwole/Adwekpomgba ne kile kelevo ne asanloa, kelevo ne subane, edendemunli hole, ehela sekelenee nee andwenvoninli mo beva beli gyima wo adawu ne anu la.

3.
 - a. Kɔnsɔntɛ alɛra-nzizo kile kɛ, kɔnsɔntɛ alɛra kɔ nɛ ala finde edwɛkɛmgbɔkɛ nwiɔ anzɛɛ mɔɔ bɔ zɔ la mɔlɛbɛbo mɔɔ adenle kpaziwɔkɛ biala ɛnla zɛhaɛ edwɛkɛmgbɔkɛ nɛ mɔ avinli la.
 - b. Ɛrɛlɛdɛndɛ fa ninyɛnɛ mɔɔ ɛnzɛ la subanɛ toto nwo wɔ mɛkɛ mɔɔ ɔnva edwɛkɛkpɔkɛ ‘kɛ’ nɛɛ ‘lɛ kɛ’ ɔnli gyima wɔ ɛdɛndɛlɛ nɛ anu la.
 - c. Nrɛlɛbɛdɛndɛ kile edwɛkɛkpɔkɛ anzɛɛ ɛdɛndɛsinli mɔɔ bɛfa bɛminli edwɛkɛ mɔɔ anrɛɛ awiɛ anyɛ ɛnrɛliɛ nwo la anyɛ.
4.
 - a. Numɛnli nsa nɛ mɔɔ wɔ adawu ɛgɛngadɛɛ nɛ anu la a lɛ Abɔnkɛ ralɛ, Bɛdi, Ahwɛa.
 - b. Mɛkɛ nɛ lɛ nɔsolɛ nu mɔɔ ɛnɛɛ sɛnzɛnɛ nɛ ɛlɛkado la.
 - c. Ɛhyɛ mɔ kola yɛ bodanɛ nɛ mɔ, ‘maa ɛ nyɛ ɛgyinla mɔɔ ɛkulo kɛ ɛyɛ la azɔ’, ‘yɛ debiɛ biala wɔ yɛ mɛkɛ fɔɔnwo nɛ anu’, ‘tiɛyɛ’ nɛɛ mɔɔ ɛha la.

REFERENCES

1. Abdul-Rahaman, M. (2014). The Artistry of Libation Prayer Text among the Dagbamba. MA thesis: University of Education, Winneba.
2. Adams, G. (2010). Libation text: Aesthetic of language of the Nae Wulomo's performance. *African cultures and languages*, 1, 45-56.
3. Ababila, J. A. (2008). A Structural Analysis of Farefari Libation Texts. Actes du Septiem Colloque inter-universitaire sur la coexistence des Langues en Afrique de l'Ouest (20-22 Octobre 2008). Pp 1-20.
4. Aku-Shika, R. (2021). The Structure and Style of the Ga Libation Text. **Afribary**. Retrieved from <https://afribary.com/works/the-structure-and-style-of-the-ga-libation-text>.
5. Ayim-Aboagye, D. (1996). Art, music and religious experience in libation pouring of Akan religion. *Scripta Instituti Donneriani Aboensis*, 16.
6. Alembi, E. (2002). The Abanyole Dirge: Escorting. The dead with song and dance: University of Helsinki. Ph.D Dissertation.
7. Nsoh, E. A., Fusheini, A. R., Ababila, J. A. (2010). Aspects of Oral Literature in Ghana with Illustrations from Selected Languages. LAP LAMBERT Academic Publishing GmbH & Co. KG
8. Ohwovoriola, F. (2004). Urhobo Dirges: Forms and Social Functions. University of Lagos. Ph.D. Thesis.
9. Kenedy M. M. (2007). Defining a literature. *Educational Researcher*, 36 (3), 139-147.
10. Meyer, B. J. (2017). Prose analysis: Purposes, procedures, and problems 1. In *Understanding expository text*, pp. 11-64. Routledge.
11. Agyekum, K. (2013). *Introduction to literature (3rd ed.)*. Adwinsa Publication.

EDWÈKÈ AGBÓKÈ BIE MÓ NGILENU

- **Adawu** le adwenlenwolé ngèlèhèlèdwèkè móò bèva èdendèmunli nee èdendèkpunli ngakyile bèhèlè ye wó kolakoladulé adenle zo la.
- **Nusonla** kile sonla, nane anzèè déè ne móò adawu ne ka bè nwo edwèkè la.
- Ezunlè a le awolèyèlè anzèè amodinli móò mraalè da ye ali wó mèkè móò awie kèwu anzèè èzèneyèlè mèkè nu la.

ACKNOWLEDGEMENTS



Ghana Education
Service (GES)



List Of Translators

Name	Institution
Benjamin Agyarko	Nkroful Nyaneba Model School
Arthur Alex Ebambey	GES, Nzema East Municipal

GILLBT Support Team

1. Peter Wangara Amoak
2. Ernest Nniakyire
3. Mark Dundaa
4. Gilbert Konlan
5. Richmond Barnes